

KANDUNGAN LIPUTAN HARIAN BULAN OGOS 2023

BIL.	TARIKH	TAJUK BERITA	MUKA SURAT
1.	01.08.2023	Pengusaha Kantin Didenda RM50,000 Guna Dokumen Palsu Tuntut Insentif Penjana	2
2.	16.08.2023	Bekas Timblana Pengarah Kanan Dewan Bandaraya Kuala Lumpur Dipenjara 4 Tahun	3
3.	16.08.2023	Utamakan Projek Baik Pulih Ratusan Sekolah Daif Di Sabah, Sarawak	4
4.	17.08.2023	Tujuh Inisiatif elak Krisis Sekuriti Makanan Negara	5
5.	17.08.2023		6
6.	17.08.2023	PAC Akan Dedah Nama Bekas KSU	7
7.	18.08.2023	RM111 Juta Naik Taraf 436 Klinik Daif	8

1 OGOS 2023 | SELASA | MUKA SURAT : 12

Pengusaha kantin didenda RM50,000 guna dokumen palsu tuntut insentif Penjana

KUALA LUMPUR: Seorang pengusaha kantin sekolah didenda RM50,000 selepas mengaku bersalah di Mahkamah Sesyen di sini semalam atas pertuduhan menggunakan dokumen palsu bagi menuntut insentif daripada Pertubuhan Keselamatan Sosial (Perkeso).

Hakim Rozina Ayob mendenda Amir Shariffuddin Haron, 56, selepas tertuduh menukar pengakuan kepada bersalah atas pertuduhan pilihan yang dikenakan terhadapnya.

Mahkamah turut menjatuhkan hukuman penjara tiga bulan jika lelaki itu gagal menjelaskan denda tersebut.

Beliau turut melapangkan tarikh-tarikh perbicaraan selama empat hari bermula 18

Januari 2024 yang dijadualkan sebelum ini.

Terdahulu, Pegawai Pendakwa Suruhanjaya Pencegahan Rasuah Malaysia (SPRM), Abd. Muntaqim Abdul Aziz memaklumkan, pihak pendakwaan menerima representasi kedua yang dikemukakan oleh tertuduh pada 30 Mei lalu.

Ujar beliau, pihaknya kemudian menawarkan pertuduhan pilihan di bawah Seksyen 471 Kanun Kesekejasaan yang kemudian diakui oleh tertuduh.

Abd. Muntaqim turut mensahkan kedua-dua pihak telah melalui proses rundingan tarawar pengakuan (plea bargaining) di bawah Seksyen 172c Kanun Prosedur Jenayah (CPC) dan selanjutnya diterima tertuduh.

Amir Shariffuddin didakwa menggunakan Borang Pengesahan Pekerja Program Insentif Pengambilan Pekerja sebagai tulen atas nama Perusahaan As Hayana Services melalui seorang lelaki bagi menuntut insentif di bawah program Pelan Jana Semula Ekonomi Negara (Penjana).

Kesalahan didakwa dilakukan di Wisma Perkeso, Jalan Tun Razak di sini pada 5 Mac 2021.

Menurut fakta kes, Amir Shariffuddin yang merupakan pemilik syarikat As Hayana Services didapati mengemukakan borang pengesahan pekerja mengandungi butiran matan palsu kepada Perkeso bagi tuntutan insentif program Penjana.

Tertuduh mengakui telah menerima RM45,900 daripada

pertubuhan itu yang dimasukkan ke dalam akaunnya melalui enam transaksi hasil daripada dokumen palsu yang dikemukakannya.

Hasil siasatan mendapat kesemuanya sembilan nama pekerja As Hayana yang dikemukakan di dalam borang tersebut tidak layak untuk menerima bayaran insentif selama enam bulan kerana tidak mematuhi syarat-syarat yang ditetapkan oleh Perkeso.

Keterangan daripada sembilan pekerja tersebut menunjukkan mereka tidak mengetahui bahawa nama mereka didaftarkan untuk permohonan insentif itu selain tidak menghadiri kursus yang dianjurkan iaitu salah satu syarat yang perlu dipatuhi bagi Program Penjana 2.0.

16 OGOS 2023 | RABU | MUKA SURAT : 6

Bekas Timbalan Pengarah Kanan Dewan Bandaraya Kuala Lumpur dipenjara 4 tahun

KUALA LUMPUR: Mahkamah Tinggi di sini semalam menjatuhkan hukumani penjara empat tahun dan denda RM1 juta terhadap bekas Timbalan Pengarah Kanan Dewan Bandaraya Kuala Lumpur (DBKL), Sabudin Mohd. Salleh terhadap dua kesalahan memperoleh suapan berjumlah RM200,000 bagi mengeluarkan permit kerja.

Hakim K. Muniandy menjatuhkan hukuman itu terhadap Sabudin, 61, selepas membenarkan rayuan pihak pendakwaan sekaligus mengetepikan keputusan Mahkamah Sesyen yang sebelum ini melepas dan membebaskannya daripada kedua-

dua pertuduhan tersebut.

Bagi pertuduhan pertama, mahkamah menjatuhkan hukuman penjara empat tahun dan pertuduhan kedua hukuman yang sama. Hukuman berkuatkuasa serentak.

Sementara denda sebanyak RM1 juta bagi kedua-dua pertuduhan dan sekiranya tertuduh gagal membayarnya, dia boleh dipenjara selama empat tahun.

“Bagaimanapun mahkamah membenarkan penangguhan hukuman penjara dan denda itu sehingga rayuan akhir didengar di Mahkamah Rayuan kelak,” kata Hakim Muniandy.

Pada 27 Julai lalu, mahkamah

mensabitkan Sabudin terhadap dua pertuduhan memperoleh suapan selepas membenarkan rayuan pihak pendakwaan, sekaligus mengetepikan keputusan Mahkamah Sesyen yang melepas dan membebaskannya selepas akhir kes pembelaan.

Terdahulu, Timbalan Pendakwa Raya Datuk Wan Shaharuddin Wan Ladin, yang turut dibantu TPR Natrah Fareha Rahmat memohon supaya Sabudin dikenakan hukuman penjara antara lima dan 10 tahun serta denda RM1 juta, mengambil kira faktor kepentingan awam selain kesalahan itu serius kerana melibatkan kes rasuah.

Seorang lagi peguam mewakili Sabudin, Y. Sheelan Samugam bagaimanapun memohon supaya anak guamnya dipenjara sehari atas alasan dia menghidap osteoarthritis pada bahagian kedua-dua lututnya dan telah menjalani beberapa pembedahan besar.

“Anak guam saya tidak dapat berdiri atau berjalan dengan baik selain memerlukan bantuan kerusi roda. Selepas kaki kirinya menjalani pembedahan pada Januari tahun ini, keadaannya tidak stabil. Oleh itu, dia perlu kerap mendapatkan rawatan susulan di hospital,” kata peguam itu.

16 OGOS 2023 | RABU | MUKA SURAT : 32

32

UTUSAN MALAYSIA
RABU • 16 OGOS 2023

Dalam Negeri

Utamakan projek baik pulih ratusan sekolah daif di Sabah, Sarawak

Oleh SURAIDAH ROSLAN
utusannews@mediamulia.com.my

KOTA KINABALU: Kerajaan perpaduan harus memberi fokus menaik taraf ratusan sekolah daif di Sabah dan Sarawak berbanding menubuhkan Sekolah Khas Pelajar Miskin yang dilihat tidak relevan dengan keadaan semasa.

Ahli Dewan Undangan Negeri (ADUN) Kuamut, Datuk Masitung Banah berkata, tujuan penubuhan sekolah khas itu mungkin baik namun, ia tidak relevan dilaksanakan kerana masih terdapat ratusan sekolah dan asrama daif di Sabah dan Sarawak yang perlu dibaik pulih.

Malah, penubuhan sekolah khas sudah pasti memerlukan kos pembinaan yang lebih tinggi berbanding menaik taraf sekolah-sekolah daif sedia ada.

Naib Presiden Parti Gagasan Rakyat Sabah (Gagasan Rakyat)



SEKOLAH luar bandar Sabah yang memerlukan penaiktarafan.

itu berkata, cadangan mewujudkan sekolah khas bagi pelajar miskin tidak praktikal kerana ia akan mewujudkan 'sistem kas-

ta' yang membezakan latar belakang ibu bapa dan pelajar.

Beliau berkata, cadangan sebegini harus dikaji semula

kerana ia boleh memberi kesan psikologi yang kurang baik kepada pelajar.

Menurut beliau, pada masa

ini, apa yang penting kerajaan harus memperbanyakkan insentif dan bantuan kepada pelajar miskin bagi memastikan mereka terus bersekolah.

Terdapat banyak cara lain untuk Kementerian Pendidikan membantu pelajar miskin. Antaranya menyediakan bas sekolah khas dan menambah bangunan asrama selain memberi bantuan keperluan sekolah seperti beg dan baju sekolah.

"Mungkin sudah tiba masa satu polisi dan dasar untuk membantu pelajar miskin dirancang mengikut keperluan sesebuah negeri dan wilayah.

"Memisahkan taraf dan kategorikan pelajar miskin dan golongan berada adalah tidak rasional bagi sebuah Kerajaan Madani ketika negara sedang menuju ke arah sistem pendidikan yang bersifat inklusif," katanya dalam satu kenyataan semalam.

17 OGOS 2023 | KHAMIS | MUKA SURAT : 1

Tujuh inisiatif elak krisis sekuriti makanan negara

Oleh MAISARAH SHEIKH RAHIM
maisarah.rahim@mediamulia.com.my

PUTRAJAYA: Malaysia merangka strategi bagi menjamin sekuriti makanan negara termasuk memantapkan pengeluaran bagi memastikan rantai bekalan dipertingkatkan.

Ini sekali gus membolehkan pengeluar mendapat pulangan

manakala rakyat mendapat bekalan dengan harga sepatutnya.

Kerajaan memberi perhatian serius kepada isu jaminan makanan susulan trend negaranya pengeluar makanan atas berpotensi mengehadkan atau menghentikan terus eksport bekalan dengan contoh terbaharu tindakan India menghen-

tikan pengeksportan berasnya.

Bercakap kepada *Utusan Malaysia*, Timbalan Perdana Menteri, Datuk Seri Fadillah Yusof yang mempengerusikan Jawatankuasa Eksekutif Mengenai Dasar Sekuriti Makanan Negara bersama dengan Menteri Pertanian dan Keterjaminan Makanan (KPKM), Datuk Seri Mohamad Sabu berkata,

bagi memastikan Malaysia tidak terjerumus dalam krisis terputus bekalan makanan, kerajaan menetapkan tujuh perancangan jaminan sekuriti makanan negara melalui Program Pengukuhan Keterjaminan Makanan menjelang Belanjawan 2024.

Bersambung di muka 2

17 OGOS 2023 | KHAMIS | MUKA SURAT : 2 (sambungan daripada ms 1)

Tujuh inisiatif elak krisis sekuriti makanan negara

Dari muka 1

Menurut beliau, perancangan utama kerajaan ialah menyediakan sistem makanan masa depan yang cekap dan berdaya tahan seterusnya berpotensi meningkatkan pendapatan kepada pengeluar di sepanjang rantaian makanan.

Daripada sistem, ukuran ketersediaan dan keupayaan mendapatkan makanan diperlukan dalam masyarakat di sesebuah negara dengan harga sewajarnya.

“Menerusi perancangan dan langkah itu diharap Malaysia berupaya menyediakan makanan berkhasiat dan berpututan selaras dengan teras utama kerangka sekuriti makanan negara.

“Kerajaan turut mensasarkan pengeluaran dan strategi peningkatan produktiviti dengan menerapkan amalan pertanian mampan selain memastikan kecekapan penghasilan produk pertanian yang menyumbang kepada peningkatan produktiviti dan pendapatan pengeluar,” kata beliau.

Fadillah dan Mohamad berkata, aktiviti penyelidikan, pembangunan, pengkomersialan dan inovasi yang dipergiatkan antaranya penyelidikan pembangunan varieti padi tanah kemarau serta kajian pembangunan baka akuakultur yang berdaya tahan terhadap perubahan iklim.

Pelbagai insentif dan menambah baik insentif sedia ada dilaksanakan untuk golongan sasar seperti subsidi dan insentif



FADILLAH YUSOF

untuk industri padi dan beras, subsidi ayam dan telur kepada penternak, menawarkan pinjaman mudah kepada penternak di bawah Dana Pembiayaan Agromakanan bagi mengatasi masalah modal pusingan akibat kenaikan kos pengeluaran.

Penyaluran bantuan melalui Tabung Bencana Taman Padi (TBTP) dan Program Pembangunan Semula Projek Agromakanan (PPSPA) diteruskan bagi aktiviti pertanian dan agromakanan yang terjejas.

Selain itu menurut Fadillah dan Mohamad, penggunaan teknologi moden seperti fertigasi dan *control environment farming* turut digalakkan.

Dalam mengurangkan kebergantungan negara terhadap makanan import, Program Smart SBB diperluaskan menerusi Model Mini Sekinchan untuk dilaksanakan di beberapa negeri lain.

Ini termasuk pemerkasaan pengeluaran ikan melalui akuakultur yang menyasarkan pengeluaran akuakultur ber-

banding perikaran tangkapan pada nisbah 60:40.

“Sasaran penghasilan jagung bijian 600,000 tan metrik yang dapat mengurangkan kebergantungan import makanan ternakan sebanyak 30 peratus menjelang tahun 2032.

“Bahan makanan ternakan alternatif dibangunkan seperti Black Soldier Fly (BSF) dan Palm Kernel Expeller (PKE) atau Palm Kernel Cake (PKC) dan pemerkasaan industri benih tempatan bagi mengurangkan kebergantungan kepada input pertanian,” kata mereka.

Kerajaan turut memperluaskan penternakan secara fidiot dengan tumpuan kepada pemerkasaan lembu pedaging untuk mencapai Kadar Sara Diri (SSR) sebanyak 50 peratus pada 2030.

Kedua-duanya berkata, Belanjawan 2024 akan memperkasakan lagi peranan dan pelaksanaan Program Jualan AgroMadani di bawah KPBM melalui Lembaga Pemasaran Pertanian Persekutuan (FAMA) dan Lembaga Pertubuhan Peladang (LPP).

Sebanyak 5,000 tambahan lokasi akan diperluaskan ke seluruh negara bagi pelaksanaan program berkenaan dengan penjimatan harga jualan antara 10 - 30 peratus lebih rendah dari harga pasaran.

“Pihak kerajaan yakin perancangan disediakan menjelang Belanjawan 2024 mampu membantu golongan terkesan seperti nelayan, petani dan penternak,” kata mereka.

17 OGOS 2023 | KHAMIS | MUKA SURAT : 30

30

UTUSAN MALAYSIA
KHAMIS • 17 OGOS 2023

Dalam Negeri

Keengganan hadir dalam prosiding menyebabkan laporan siasatan tidak komprehensif

PAC akan dedah nama bekas KSU

Oleh FITRI NIZAM
fitri.nizam@mediarunia.com.my

PETALING JAYA: Jawatankuasa Kira-Kira Wang Negara (PAC) akan mendedahkan nama-nama saksi termasuk Pegawai Pengawal dan Ketua Setiausaha (KSU) yang enggan hadir pada prosiding siasatan kepada umum, supaya rakyat tahu isu disiasat tidak mendapat kerjasama individu terabit.

Pengerusinya, Datuk Mas Ermieyati Samsudin berkata, PAC juga mahu satu mekanisme perlu diwujudkan oleh kerajaan agar kesemua bekas Pegawai Pengawal dan KSU yang dipanggil, hadir ke prosidingnya.

Katanya, majoriti prosiding diadakan pihaknya ada membabitkan saksi yang terdiri daripada bekas pegawai tinggi kerajaan terutamanya Pegawai Pengawal dan KSU.

Menurutnya, ia untuk me-

mastikan segala isu yang dibangkitkan dalam prosiding terutama membabitkan hal dalam Laporan Ketua Audit Negara (LKAN) mendapat penjelasan dan keterangan sewajarnya daripada semua pihak berkepentingan.

"PAC mengambil maklum bahawa tempoh perkhidmatan Pegawai Pengawal dan KSU yang dilaporkan dalam LKAN biasanya melangkui Pegawai Pengawal dan KSU sedia ada, hingga menyebabkan mereka gagal memberikan penjelasan terhadap isu-isu yang didapati kerana ia berlaku bukan pada tempoh perkhidmatan mereka.

"Justeru, adalah amat penting untuk semua Pegawai Pengawal dan KSU bertanggungjawab terhadap PAC seperti termaktub dalam Arah Perbendaharaan (Pindaan 2023) dengan memastikan kehadiran semua saksi termasuk bekas Pegawai Pengawal dan KSU apabila dipanggil oleh



MAS ERMIEYATI SAMSUDIN

menghadiri prosiding.

"PAC ingin menegaskan bahawa kesemua bekas Pegawai Pengawal dan KSU perlu bertanggungjawab dan hadir bagi menjelaskan mengenai isu-isu yang timbul semasa mereka menerajui Kementerian, Jabatan atau Agensi Kerajaan terbitan," katanya dalam kenyataan semalam.

Tegasnya, dalam memastikan PAC menjalankan siasatan yang menyeluruh, ketidakhadiran bekas Pegawai Pengawal dan KSU akan menyebabkan laporan PAC tidak komprehensif.

"Keengganan mantan Pegawai Pengawal dan KSU untuk hadir ke prosiding PAC merupakan satu kesalahan di bawah Seksyen 9 (a) Akta Majlis Parlimen (Keistimewaan dan Kuasa) 1952 (Akta 347) dan secara tidak langsung memberikan gambaran bahawa terdapat perkara yang ingin disembunyikan.

"Pada masa sama, PAC menuntut Ketua Setiausaha Negara (KSN) dan Ketua Pengarah Perkhidmatan Awam (KPPA) mengambil maklum sekiranya ada bekas Pegawai Pengawal dan KSU yang enggan hadir dalam prosiding jawatan kuasa ini," katanya.

Mengulas lanjut, Ahli Par-

men Masjid Tanah itu berkata, kehadiran saksi dalam prosiding PAC adalah platform terbaik untuk mereka memberikan penjelasan serta keterangan mengenai isu-isu yang dibangkitkan oleh Ketua Audit Negara dalam LKAN.

"Pada masa sama, adalah penting untuk PAC menyediakan laporan yang komprehensif dan telus dengan mengambil kira keterangan dan penjelasan semua pihak berkepentingan dalam isu yang disiasat supaya laporan itu benar-benar seimbang demi kepentingan semua pihak.

"Laporan PAC yang komprehensif dan telus ini juga adalah selaras dengan perbahasan Ahli-ahli Parlimen ketika perbahasan LKAN di Dewan Rakyat dan Dewan Negara supaya PAC menyiasat dengan lebih terperinci isu-isu yang dibangkitkan," katanya.

18 OGOS 2023 | JUMAAT | MUKA SURAT : 9

RM111 juta naik taraf 436 klinik daif

Oleh KAMARIAH KHALIDI
utusannews@mediamulia.com.my

PUTRAJAYA: Sejumlah RM111 juta diperlukan bagi kerja-kerja membaik pulih dan menaik taraf 436 klinik kesihatan daif dan usang di seluruh negara.

Menteri Kesihatan, Dr. Zaliha Mustafa berkata, daripada jumlah itu, sebanyak 91 klinik selesai dibaik pulih manakala 341 klinik masih dalam proses pelaksanaan dan empat lagi di peringkat perolehan.

Menurut beliau, sejumlah RM100 juta yang diperlukan untuk projek berkenaan merupakan pengumuman daripada Bajet 2023, manakala tambahan RM11 juta menggunakan peruntukan sedia ada.

"Untuk tahun ini kita telah kenal pasti sebanyak 436 klinik daif yang akan dibaik pulih dan setakat ini sebanyak 341 klinik sedang dalam proses pelaksanaan, 91 klinik telah selesai dibaik pulih dan empat lagi klinik masih dalam perolehan.

"Kita terima senarai (klinik-klinik daif) ini daripada Pengarah Kesihatan Negeri dengan jumlah keseluruhan adalah



ZALIHA Mustafa pada majlis perasmian Persidangan dan Pameran Pengurusan Kemudahan Kesihatan 2023 di Putrajaya semalam. - UTUSAN/FAIZ ALIF ZUBIR

1,200 klinik, tapi kita lakukan penambakan secara berfasa dengan tahun ini kita sasar 436 klinik dan tahun depan kira-kira 300 klinik lagi dengan membabitkan kos RM111 juta," katanya dalam sidang akbar selepas Majlis Pelancaran Healthcare Facility Management Conference and Exhibition 2023 di sini semalam.

Menurut Zaliha, Kementerian Kesihatan (KKM) menerima senarai klinik daif tertinggi di Terengganu iaitu sebanyak 58 klinik, diikuti Negeri Sembilan 44 klinik dan masing-masing 42 klinik di Perak dan Pahang.

Pada 3 Julai lalu, Majlis Tindakan Malaysia Madani (MTMM) memberi tumpuan kepada dua projek baharu iaitu usaha menaik taraf fasiliti daif di bawah KKM dan memperluas pelaksanaan Gerai Madani.

Perdana Menteri, Datuk Seri Anwar Ibrahim berkata, kerajaan sedang mengambil langkah segera bagi menambah baik 436 fasiliti dan klinik kesihatan di bawai KKM dengan sasaran kesemua fasiliti akan memasuki peringkat pelaksanaan menjelang akhir tahun ini.